

Amtsráðsskýrslur.

A.

14

Fundur amtsráðsins í norður- og austurumdæminu 27.—29. maí 1879.

Ár 1879, 27. maímánaðar, var fundur amtsráðsins í norður- og austuramtinu settur á Akureyri af forseta ráðsins amtmanni Cristianssyni með amtsráðsmönnum Arn-
ljóti Ólafssyni og Einari Ásmundssyni.

Á fundinum voru tekin til meðferðar og umræðu þau mál, er hjer eru talin:

1. Forseti framlagði brjef frá Jóni landritara Jónssyni, þar sem hann skýrir frá því, að fjárkláðavotts hafi nýlega orðið vart á bœnum Þingnesi í Andakílshreppi í Borgarfirði, og fer þess á leit, að amtsráðið geri gangskör að því, að vörður verði settur í sumar við Deildargil til að fyrirbyggja fjársamgöngur milli Borgarfjarðar og Norðurlands.

Eptir að amtsráðið hafði útvegað sjer allar þær skýrslur, sem kostur var á að fá um þetta efni, áleit ráðið, að eigi væri að svo komnu full ástæða til þess fyrir þetta amt, að skipa vörð milli Suðurlands og Norðurlands; en aptur á móti samþykkti amtsráðið, að skrifa sýslumönnum í Húnavatns og Skagafjarðar sýslum og mælast til þess, að þeir ásamt sýslunefndunum í þessum sýslum hefðu vakandi auga á þessum nýuppkomna fjárkláða í Borgarfirði, og ef þeim virtist, sem hann mundi verða hættulegur fyrir þeirra hjeruð, að skýra þá amtmanninum tafarlaust frá því og koma fram með tillögur sínar um, hvort þeim sýndist þörf á að setja vörð, og á hvaða stöðvum og hversu fjölmennan. Skyldi það verða álit sýslunefndanna í fyrnefndum sýslum, að fjárkláðavörður væri nauðsynlegur, fjellst amtsráðið á, að helmingur kostnaðar þess, er af slíkum verði mundi leiða fyrir Norðurland, komi á jafnaðarsjóð amtsins.

2. Þá framlagði forseti áfrýjun frá sýslunefndarmanni Guðmundi Gíslasyni á Bolla-
stöðum, þar sem hann áfrýjar úrskurði sýslunefndarinnar í Húnavatnssýslu 29. til 31. janúar 1879 um upprekstrarskyldu Engihlíðarhreppsmanna á Eyvindarstaðaheiði. Amtsráðið áleit, eins og það hefir áður gjört í málinu um gangnatakörk milli Skrapatungu og Landsendarjetta, að úrskurðir sýslunefnda í fjallskilamálum sjeu fullnaðarúrskurðir, er eigi verði áfrýjað, og vísaði því málinu frá sjer.
3. Kom til umræðu brjef landshöfðingjans dags. 25. apríl næstl., og annað brjef, er því fylgdi, frá sýslumanni Skagfirðinga dags. 11. febrúar þ. á. um kennslu hins dauðdumba Friðriks Jónssonar, sem er sveitarómagi á Hólahrepp. Amtsráðið fjellst á, að piltur þessi mætti læra við dumbastofnunina í Kaupmannahöfn, eins og fram á var farið. En hvað kostnað þann snertir, er leiðir af kennslu og framfærslu drengsins, frá því hann fer og til þess hann kemur heim aptur, áleit meiri hluti amtsráðsins sanngjarnt, að Hólahreppur tæki á hverju ári þátt í honum með jafnaðarsjóðnum þannig, að hreppurinn borgi ár hvert eptir sem áður venjulegt hreppsómagameðlag með piltinum. En með því allt amtsráðið var eigi á einu máli um, hvort slík skylda hvíldi á sveitarsjóðnum að lögum, var landshöfðingjanum skrifuð um það fyrirspurn.
4. Þá var tekið til umræðu bóнарbrjef dags. 1. þ. m. frá Jónasi búfröðingi Eiríkssyni að Hafursá í Suðurmúlasýslu, þar sem þessi maður biður um 300 kr. styrk til að kaupa sjer mælingar- og jarðyrkjuverkfæri. Amtsráðið skrifaði sýslunefnd Suðurmúlasýslu um þetta efni, og óskaði að fá álit hennar um það.

- 14** 5. Forseti framlagði þar næst brjef frá Jóni sýslumanni Johnsen, 12. marz þ. á., þess efnis, að honum þætti óskilegt, að fá Svein búfrœðing til að ferðast einhvern tíma þetta sumar um Suðurmúlasýslu. Amtsráðið samþykkti að Sveinn færi austur á Eskifjörð til sýslumanns og ferðaðist svo um Suðurmúlasýslu til að leiðbeina mönnum við jarðabætur og einnig um Norðurmúlasýslu, ef sýslubúar svo vildu. Var gjörð áætlun um það, hvernig Sveinn skyldi verja tímanum og hvernig greiða skyldi ferðakostnað hans¹.
6. Því næst framlagði forseti landshöfðingjabrjef 8. f. m., þar er landshöfðinginn óskar álits amtsráðsins um meðfylgjandi beiðni Gunnars Ólafssonar frá Ási í Hegranesi um 400 kr. styrk af fje því, er til jarðræktar m. m. er lagt í 10. gr. C. 5. fjárlaganna, til þess að læra vefnað, þóf og fleira, er að tóskap lyti. Amtsráðið áleit, að óskilegt væri að styrkur þessi væri veittur, en af fje því, er getur um í 15. grein fjárlaganna. Amtsráðið leyfði sjer að benda landshöfðingjanum til þess, að stofnast hefði á næstliðnum vetri í Eyjafirði fjelag til tóvjelakaupa og tóvinnu, og hefði fjelagi þessu þegar borizt skýrsla um nýjan vefstól Albanusar í Kolding, er fjelaginu litist mjög vel á. Með því nú að fjelagið mundi eflaust fá fleiri skýrslur um spunavjellar, þófmýlnur o. s. frv., þá óskaði ráðið, að landshöfðinginn vildi hlutast til um, að beiðandinn stæði í sambandi við fjelag þetta, svo beiðandinn bæði fengi þær skýringar og leiðbeiningar hjá fjelaginu, er það gæti í tje látið, og hann veitti því aptur aðstoð sína að einhverju leyti.

Fleiri mál komu eigi til umræðu á þessum fundi.

B.

15 Fundur amtsráðsins í norður- og austurumdæminu 26. nóvember — 8. desember 1879.

Fundurinn var haldinn á Akureyri af forseta ráðsins, amtmanni Christjánssyni, með amtsráðsmönnum Arnljóti Ólafssyni og Einari Ásmundssyni.

Komu þessi mál til umræðu á fundinum :

1. Forseti framlagði frumvarp til reglugjörðar fyrir hreppstjóra, er landshöfðingi hafði sent amtsráðinu til þess, að það segði um það álit sitt. Var frumvarp þetta nákvæmlega rétt og síðan samið álitsskjal um málið.
2. Þá voru lesin eptirrit eptir gjörðabókum allra sýslunefnda í amtinu, frá samtals 10 sýslunefndafundum, og þótti ekkert athugavert við þau.
3. Því næst voru rannsakaðir reikningar sýslusjóðanna fyrir árið 1878 úr öllum 6 sýslum amtsins, og fannst ekkert út á neinn þeirra að setja.
4. Samið yfirlit yfir fjárhag allra sýslusjóðanna árið 1878.
5. Forseti lagði fram brjef dags. 26. f. m. frá sýslumanninum í Eyjafjardarsýslu, þar sem hann mælist til þess, að amtsráðið styðji að því með tillögum sínum, að veitt verði úr landssjóði fje til að gera á næstkomanda sumri veg á Öxnadalsheiði Eyjafjardarmegin. Á vesturhluta þessarar heiðar hefir nú þegar verið gjörður vegur á kostnað landssjóðsins, og áleit amtsráðið nauðsynlegt, að eigi væri hætt við vegagjörðina á miðri heiðinni, heldur að henni yrði framhaldið yfir austurhlutann, og vildi því amtsráðið leyfa sjer að mæla hið bezta með því, að til þessa yrði veittar allt að 1000 kr. af því fje, er fjárlögin ætla til fjallvega.

1) Af þessari ferð Sveins varð ekki, fyrir þá sök að Múlasýslubúar gerðu mótbod móti honum.